

**PAYUNG NEGARA SANJUNGAN RAKYAT JELATA**  
**20 Zulhijjah 1442H/ 30 Julai 2021 M**

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ فَلَا مُضِلَّ لَهُ وَمَنْ يُضْلِلُ فَلَا هَادِي لَهُ.  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. أَللَّهُمَّ صَلِّ وَسِلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.  
أَمَّا بَعْدُ،  
فِيهَا عِبَادَ اللَّهِ، اتَّقُوا اللَّهَ وَأُوْصِيْكُمْ وَإِيَّاهُ يُتَّقَوِّيُ اللَّهُ، فَقَدْ فَازَ الْمُتَّقُونَ.

Marilah kita bersama-sama bertakwa kepada Allah Subhanahu Wata'ala dengan sebenar-benar takwa, dengan melaksanakan segala perintah dan menjauhi segala larangan-Nya. Mudah-mudahan kita menjadi insan yang berjaya, selamat dan bahagia di dunia dan juga akhirat.

**Sidang Jumaat yang dirahmati Allah Subhanahu Wata'ala,**

Alhamdulillah, kita bersyukur kepada Allah Subhanahu Wata'ala kerana dengan limpah rahmat-Nya, rakyat di bumi Pahang yang bertuah ini dapat menikmati suasana kehidupan yang aman, damai dan sejahtera. Oleh itu, kita hendaklah bersama-sama sentiasa menjaga dan mengharapkan agar nikmat keamanan, kedamaian dan kesejahteraan ini sentiasa berkekalan. Firman Allah Subhanahu Wata'ala dalam surah Ibrahim ayat 7:

أَعُوذُ بِاللَّهِ مِنَ الشَّيْطَنِ الرَّجِيمِ



وَإِذْ تَأْذَنَ رَبُّكُمْ لَئِنْ شَكَرْتُمْ لَا زَيْدَ لَكُمْ وَلَئِنْ كَفَرْتُمْ إِنَّ عَذَابِي لَشَدِيدٌ

**Yang bermaksud:** “Dan (ingatlah) ketika tuhan kamu memberitahu (dengan sejelas-jelasnya): “Demi sesungguhnya jika kamu bersyukur (terhadap segala nikmat-Ku) tentu aku akan menambah nikmat itu kepada kamu dan demi sesungguhnya jika kamu kufur (terhadap nikmat itu) maka sesungguhnya azab-Ku sangat keras”.

**Sidang Jumaat yang dirahmati Allah Subhanahu Wata'ala,**

Alhamdulillah, negeri kita Pahang Darul Makmur adalah sebuah negeri yang amat bertuah kerana dikurniakan seorang raja yang sangat disanjungi dan dikasihi oleh seluruh rakyat jelata iaitu Kebawah Duli Yang Maha Mulia Seri Paduka Baginda Yang Dipertuan Agong Al-Sultan Abdullah Ri'ayatuddin al-Mustafa Billah Shah Ibni Al Marhum Sultan Haji Ahmad Shah Al Mustain Billah.

Baginda Sultan adalah seorang raja yang sentiasa caknaterhadap kesejahteraan dan kebijikan rakyat. Kebijaksanaan baginda yang berjiwa rakyat itu dapat dilihat berdasarkan kesungguhan baginda mencemar duli turun padang dan lawatan mengejut yang sering baginda lakukan, lebih-lebih lagi dalam perkara yang melibatkan kepentingan agama, kebijikan dan kesejahteraan hidup rakyat. Benarlah ungkapan “*Raja dan Rakyat Berpisah Tiada*”.

Oleh itu, sebagai rakyat dan penduduk yang bernaung di bumi Pahang ini, adalah menjadi tanggungjawab kita untuk sentiasa taat dan patuh kepada raja atau pemimpin kita. Rasulullah Sallallahu Alaihi

Wassallam bersabda dalam hadis yang diriwayatkan oleh Imam Bukhari dan Muslim: *Daripada Abu Hurairah Radiallahu Anhu, Rasulullah Sallallahu Alaihi Wassallam bersabda: Barangsiapa taat kepadaKu, maka dia telah taat kepada Allah. Barangsiapa tidak taat kepadaKu, maka dia tidak taat kepada Allah. Barangsiapa taat kepada pemimpin, maka dia telah taat kepadaKu. Barangsiapa tidak taat kepada pemimpin, maka dia tidak taat kepadaKu.*

### **Sidang Jumaat yang dirahmati Allah Subhanahu Wata'ala,**

Sebagaimana yang kita sedia maklum, 30 Julai 1959 merupakan tarikh bersejarah bagi negeri kita Pahang Darul Makmur kerana tarikh itulah raja kita diputerakan. Marilah kita berdoa semoga baginda dilanjutkan usia, dikurniakan kesihatan yang berpanjangan, kekal qarar memerintah negeri serta dianugerahkan rahmat, pemeliharaan dan perlindungan daripada Allah Subhanahu Wata'ala.

أَعُوذُ بِاللَّهِ مِنَ الشَّيْطَنِ الرَّجِيمِ

يَأَيُّهَا الَّذِينَ إِمْنَوْا أَطِيعُوا اللَّهَ وَأَطِيعُوا الرَّسُولَ وَأُفْلِي الْأَمْرُ مِنْكُمْ<sup>ص</sup>

*Yang bermaksud:* “Wahai orang yang beriman, taatlah kamu kepada Allah dan taatlah kepada kamu kepada Rasulullah dan kepada ‘Ulil-Amri” (orang yang berkuasa) daripada kalangan kamu.”

بَارَكَ اللَّهُ لِيْ وَلَكُمْ فِي الْقُرْءَانِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنْ الْآيَاتِ  
وَالذِّكْرِ الْحَكِيمِ، وَتَقْبَلَ مِنِّي وَمِنْكُمْ تِلَاقَتُهُ، إِنَّهُ هُوَ السَّمِيعُ الْعَلِيمُ. أَقُولُ  
قَوْلِي هَذَا وَأَسْتَغْفِرُ اللَّهَ الْعَظِيمَ لِيْ وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ،  
وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.